

VI
9




SYNODVS

DIOECESANA

MAIORICENSIS.

Celebrata praeside Illust. & Reueren. Dño,
D. Ioanne Vich, & Manrique, Dei, &
Apostolicæ Sedis gratia Episcopo
Maioricensi, Anno 1597.



MAIO. Ex Typographia. Gabrielis Guasp.
Anno M.D. LXXXVII.

C O N V O C A T I O
A D S Y N O D V M D I O E C E
S A N A M C E L E B R A N D A M

Dominica tertia post Penthecosten,
quæ computabitur xv. Iunij anni
presentis & infra scripti.

1597.



Vim, non solum in antiquis sacrorum
canonum cōstitutionibus verum etiam
in his, quas proximè sacrosancta Tri-
dentina & generalis Concilij patrū ce-
lebritas, nouo fœtu reduxit; sub præ-
scriptionis forma habeatur expressum, ne quaruvis
Diocesium Præsides, signatas in annos singulos
Synodorum conuocationes prætermittant: & nos
vtrisque enixè obtēperare morigeri Satagamus: ideo
nunc cum primū sumus animo strenues & eorū
curarum intricacione liberi (quæ nostrum conatū
hactenus ad ea integranda compulerunt, quæ maio-
rem minitabantur ruinam & promptius medicamē
exposcebant, ad ferias videlicet negotiorum grauiū
compositiones & aduisitandam perlustrandāq; totā
hanc nostrā Diocēsim) Synodi iam pridem cele-
bratę celebrationem iterū denuoq; parantes. Nos D.
Ioannes Vich, & Mārique Dei & Apostolicę sedis
gratia Ep̄s. Maiō, & de cōsilio suæ Regiæ magesta-
tis, Vos Illust. ac multum Re. dños inferiores Præ-
latos, dignitates obtinentes, Canonicos & Capitu-
lum, Præpositos, ac venerabiles Ecclesiarū Recto

res, Priores, Vicarios aliosq; presbyteros curam
animarum exercentes, ac Illustres ac multū mag-
nificos Iuratos Reipublicę Patres, cęterasq; secula-
res personas, quibus dicta Synodo adesse cōueniat,
Hortamur & monemus, vobisq; in virtute sanctę
obedientię, & alijs pęnis à iure impositis districtę
pręcipiendo mandamus, vt his nostris litteris per-
ceptis, personaliter (aut per procuratores legitimos
si infirmitate vel alio legitimo impedimēto detenti
fueritis) accedatis ad nostrā cathedralem Ecclesiam
Dominica tertia post Penthecostē, quę computa-
bitur xv. mensis Iunij proximē ventura pręsentis,
& currētis anni. Vt diuina afflāte aura, Deiq; prę-
tenso auxilio, de causis ad Ecclesiam spectantibus,
de cultus diuini augmēto, de comprimendis refor-
mandisq; excessibus tollendis vę abusibus, & de-
mū decunētis, quę ipsi Synodo pertractanda reser-
uantur, maturius tractemus, proponente quolibet,
quod sibi proponendum videatur, aut remedio op-
portuno egere iudicetur. Alioqui absentia vestra
non obstante, accusata contumacia ad celebra-
tionem prędictę Synodi, pro vt iuris fuerit pro-
cedemus. Dat. Maio. in Ep̄ali Palatio die X.
mensis Maij anno MDLXXXVII.

D. Ioannes Vich Ep̄s Maio.



F in his die & anno, per vnum ex ve-
nerabilibus nostrę Cathedralis Ecclesię
Hebdomadarijs, in pulpito eiusdem
maioris templi, claro vocis concentu,
fuerunt hæ præsentis litterę publicatę. Et præterea
idemsonã harum publicationẽ fieri, curię cursorum
ministerio, in vna quaq; extraiacentium Parrochi-
arum demindauimus. Tandem ipsas ab Ecclesię
valuis pendentes diuturna dies habuit; vt omnis ig-
norantię locus maneret absorptus.

Actio Prima Synodi.

In nomine Sãctę & Indiuiduę Trinitatis Patris &
Filij & Spiritus sancti. Nos D. Ioannes Vich &
Manrique Ep̃s Maio. in præsentis Synodo diocę-
sana actũ præsidens, quam sub Beatissimo Dño nro
Clemẽte VIII. regnante Inuictissimo Rege Catho-
lico Philippo secundo, congregari iussimus, prinũ
omnium ab inuocatione prædicta exordium sumen-
dum esse duximus. Et considerantes quod, ex quo
Christus ascendit in altũ (cum ille recesserit, qui lux
splẽdidissima est) vesper adest nocti vicin' & nox
tetra caligine denigrata imminet: nos autem sine eo
nihil possimus facere, nisi, quasi Apostoli parũper
derelicti, magno discrimini statim indormire: cla-
mamus cum discipulis mane nobiscũ dñe, quoniam
aduesperascit. Hoc est, dirige Sancte Pater Præsidii
iurisdictionẽ. Suggere obsecro Patris Sapientia con-
uocatis prudentiã. Affla amabo bone Spiritus tuam

gratiam & sanctā directionem. Sic enim manere dignoscetur, qui nobiscum esse ad usq: sæculi consummationem promisit. Iam tandem in nomine domini, cum Principe Apostolorum Petro rete laxantes, & Sanctorum Patrū ac Sacrosanctę Synodi Tridētinaę Patrum vestigia sequuti, fidei (quę columna est, perenni immobilitate, firmissima) professionē, eo, qui sequitur, orationis contextu præmittimus.

Credo in vnum Deum, patrem omnipotentem, factorem cæli, & terrę, visibilium omnium, & invisibiliū; & in vnum Dominum Iesū Christum, filium Dei vnigenitum, & ex patre natū ante omnia secula: Deum de Deo, lumē de lumine, Deum verum de Deo vero; genitum; non factum, consubstantialem patri, per quem omnia facta sunt, qui propter nos homines, & propter nostram salutem descendit de cælis, & incarnatus est de Spiritu Sācto natus ex Maria virgine, & homo factus est: crucifixus etiā pro nobis sub Pōtio Pilato, passus & sepult^{us} est; & resurrexit tertia die secundum scripturas, & ascendit in cælum, sedet ad dexterā patris: & iterum venturus est cum gloria iudicare viuos, & mortuos: cuius regni non erit finis: & in Spiritum Sanctum dominum, & viuificantem, qui ex Patre, Filioq; procedit; qui cum Patre, & Filio simul adoratur, & conglorificatur, qui locutus est per Prophetas: & vnā sanctam Catholicam, & Apostolicā Ecclesiā. Confiteor vnum baptisma in remissionē peccatorū: & expecto resurrectionem mortuorum, & vitam venturi seculi. Amen.

Apostolicas

A Postolicas, & Ecclesiasticas traditiones, reli-
quasq; eiusdē Ecclesię obseruationes & cōstitu-
tiones firmissimē admittimus, & amplectimur.
Item sacram Scripturam iuxta eum sensum, quem
tenuit, & tenet Sancta mater Ecclesia, cuius est iu-
dicare de vero sensu, & interpretatione sacrarum
Scripturarum, admittimus. Nec eum unquam nisi
iuxta vnanimem cōsensum Patrum accipiemus, &
interpretabimur. Profitemur quoq; septē esse verē,
& propriē sacramēta nouę legis, à Iesu Christo dño
nostro instituta ad salutem humani generis, licet non
omnia singulis necessaria, scilicet Baptismum, cōfir-
mationem, Eucharistiam, Pœnitentiam, Extremā
vñctionem, Ordinem & Matrimonium: illanq;
gratiā cōferre: & ex his Baptismum Cōfirmationē,
& Ordinē sinē sacrilegio reiterari nō posse. Recep-
tos quoq;, & approbatos Ecclesię Catholicę ritus
in supra dictorum omnium sacramentorum solenni
administratione recipimus, & admittimus. Omnia,
& singula, quę de peccato originali, & de iustifica-
tione in sacrosancta Tridentina Synodo definita, &
declarata fuerunt, amplectimur & recipimus. Profi-
temur pariter in Missa offerri Deo verum, propriū
& propitiatorium sacrificium pro viuis & defūctis:
atq; in Sāctissimo Eucharistia: sacramēto esse verē,
realiter, & substantialiter corpus & sanguinē vnā cū
anima, & Diuinitate dñi nostri Iesu Christi, fieriq;
cōuersionem totius substantiæ panis, in corpus, &
totius substantiæ vini, in sanguinem. Quin cōuer-
sionē Catholica Ecclesia trāssubstantiationē appellat.

Fatemur etiam sub altera tantum specie totum, atq; intregum Christum, verumq; sacramentum sumi. Constante tenemus Purgatoriū esse, animasq; ibi detentas fidelium suffragijs iuari. Similiter & Sanctos cōfitemur vna cū Christo regnantes venerandos atq; inuocādos esse: eosq; orationes Deo pro nobis offerre: atq; eorū reliquias esse venerandas. firmiter asserimus, imagines Christi, ac Deiparę sēper virginis, nec nō aliorum Sanctorū, habendas & retinēdas esse, atq; eis debitū honorem & venerationē impartendam. Indulgentiarū etiam potestatem à Christo in Ecclesia relicta fuisse: illarūq; vsum Christiano populo maxime salutarem esse affirmamus. Sāctam Catholicā, & Apostolicā Romanam Ecclesiā oīum Ecclesiarū matrem ac magistrā agnoscimus. Romanoq; Pōtifici, Beati Petri Apostolorū principis successioni, ac Iesu xpi Vicario, verā obediētā spōdem⁹, ac iuram⁹. Cetera item oīa à sacris canonib⁹, œcumenicis Cōcilijs, ac p̄cipue à Sacro Sācta Tridantina Synodo tradita, definita, & declarata indubitāter recipim⁹, atq; profitemur. Simulq; cōtraria oīa, atq; hereses quascunq; ab Ecclesia dānatas, & reiectas, & anathematizatas, nos pariter dānamus, reijcimus, & anathematizamus. Hanc verā Catholicā Fide, extra quā nemo saluus esse potest, quā in p̄senti spōte profitemur, & veraciter tenemus, eandē integrā, & inuiolatam ad extremū vitæ spiritū cōstantissimē (Deo adiuuāte) retinere, & cōfiteri, atq; à nostris subditis, seu illis, quorū cura ad nos in munere n̄ro spectabit, teneri, doceri, & p̄dicari, quātū i nobis erit curaturos.

Synodus

S Y N O D V S D I O E C E
S A N A M A I O R I C E N S I S
C E L E B R A T A D I E X V .

Mensis Iunij Præside Illustrissimo &
Reuerētissimo D. D. Ioanne Vich,
& Manrique Dei, & Apostolicæ
sedis gracia Episcopo Maiori.

Anno 1597.

*Decretum I. vt pro qualibet Missæ cele-
bratione elargiantur tres solidi pro ele-
mosina & ministrorum susten-
tatione.*

ELapso illo foelicitatis tempore, quo Apstoli, &
Ecclesiæ Dei ministri, sine faculo, & sine pera,
nullam præterea habentes sollicitudinem, quid
æderent aut biberent, mitti poterant: iam nunc
temporum calamitas, eò nos euexit gubernacula
tenentes; vt de similibus ministrorum sustentatione
curant maximam habere cogamur; præsertim cum
victus, & vestitus in hac nra Diœcesi in tanto sint
pretio; vt Ecclesiæ Dei ministri, vix, imò nec absq;
dedecore, ex distributionibus sustineri queant. Ideo,
annuente Synodo, statuimus, & ordinam⁹; vt post
hac, pro qualibet Missæ celebratione, tres solidi,
pro elemosina, ac ministrorum sustentatione,
elargiantur. Et præterea mandamus, vt Christi
pauperum tutor diligentissime (quantum ad se
attinet) hoc decretum seruari faciat.

A S

Decretum

*Decretum 2. Christi fideles utriusque sexus in sua
propria Parrochiali Ecclesia, semel in anno
saltem, tempore scilicet Paschatis
Sacram Communionem sumere
teneantur.*

Nemini dubium esse potest, quin Parrochi, & animarum curam habentes, ad instar summi Pastoris, oves suas cognoscere debeant; cum sint velut Medici; & ita singulis animabus sibi commissis medicamenta spiritualia accommodata exhibere teneantur. Ideo, & ne amplius aliquot scandala, cum maxima animarum iactura sequantur; stabilissimus, approbante Synodo, ac decretis summorum Pontificum iuri communi inhaerendo; ut quilibet Christi fidelis utriusque sexus teneatur, tempore saltem quadragesimae, proprium adire parrochum, ab eo sacram communionem accepturus: non autem post hac, proprio pastore, propriaque parrochia derelicta (ut solitum erat fieri) maiorem Ecclesiam siue sedem, pro precepto communionis adimplendo, adeant. Qui vero extra parrochiam suam confiteri eo tempore voluerint: is proprio parrocho testimoniū confessionis in scriptis exhibere teneantur.

*Decretum 3. Ve Ordinariorum liber aliquot
vetustatibus expurgetur & in
meliorem formam redactus
imprimatur.*

Vt in

Vritus, & ceremonie, que in hac nostra Diocesi obseruari solent, magis indies audientium animos ad deuotionem excitent: de consensu Synodi, iniungendum duximus; vt liber ordinario rum ab aliquibus vetustatibus expurgetur; & ad meliorē comcentum reducantur omnia, quæ ad sacramentorum administrationem pertinent. Quibus summa diligentia peractis, typis illum mandari, & in lucem prodire iussimus.

Decretum 4. vt, qui gratia recepti fuerint, non intersint beneficiatis de aliquo admittendo tractantibus.

Quia vidimus lōgo dissidio singulorū sententias disseptare super his, que decretū octauū, vltimò celebratæ Synodi, definiuit, an scilicet Sacerdotes, ante præfatę Synodi celebrationem, p̄uētuum facti participes, voto, vel aliquibus distributionibus priuentur; ideo de Synodi consensu, declaramus, presbyteris, ante eius Synodi cōuocationem admissis, nulum ius eo decreto fuisse ademptum; exceptō dum taxat, quòd, cæteris de admissione aliorum denuo facienda tractantibus non intersint ipsi; nec in eo ius aliquod ferendi suffragiū habeant. His verò ita explicatis, reliqua eius decreti verba suo robore integra remaneant.

Decretum 5. quo tempore diuini officij bassinarijs liceat petere.

Quoniam

Quoniam sacrificia peragentibus presbyteris, perseverant elemosynarum receptores toto templo vagari, pias elargientium manus, magna sacrorum perturbatione, disquirentes: & indictum est iam, publico edicto, quo tempore autem id præstare liceat; ideò cum Synodo, ibi præcepta seruanda esse mandamus.

Decretum 6. ut processiones omnes Sacratissimi Christi corporis solennitatis infra octavas persoluantur & ne monachi extra claustra in illis egrediantur.

Abas, & excessus, qui in celebratione processionum corporis Christi fieri consueverunt, ut longa experientia comprobauimus, nos compellunt deuotioni interessentium consulentes ut, annuente Synodo, precipiamus, omnium parochiarum processiones, intra octavas tantum solennitatis Corporis xpi, fieri: & nullos religiosos in his peragendis extra claustra egredi.

Decretum 7. ut non possint Parochi & plures tribus sine sedis conuocatione in humanis funeribus conuenire.

Multi suorum defunctorum funera, sancta profecto pietate commoti, plactu magno, exequiarum frequentia, sepelienda ut curent; diuersarum
parro-

parrochiarū sacerdotes accersunt, qui funerals officia seruatis ceremonijs peragant. In quo nre Metropolitane Ecclesie laudandam consuetudinem sequuti, approbante Synodo, statuimus ne parrochie plures tribus, in funeralibus quibuscūq; de cetero conueniant; quin ad hoc peragendum Sedes siue Ecclesia maior vocetur. Tribus autem parrochijs, vel duabus liceat funeris pōpam absolueri sine sede; & eo tūc earum quælibet crucis vexillum portare poterit.

Decretum 8. quando debeant parrochi pro populo celebrare.

CVpiētes, vt p̄munere sua suis humeris vnusquisq; onera subleuet, sancimus, vnā cū Synodo, illos Rectores ad celebrandum pro populo quotidie teneri, qui hoc prestare cōsueuerunt, quibus in visitationibus ordinatum, & iniunctum fuit.

Decretum 9. vt mediam camp: nam pulsent pro extrema vñctione, cuiusvis sit sine aliqua ita uum distinctione.

Vix, imo nē vix quidē, oīa omnibus fieri posse parrochos conspeximus, atq; ita nequaquam sperari; vt vni concilientur hodie, quin eodem, vel altero saltem die, dissideant alteri: & indies contingat, pernicioso ore corrodī ab aliquibus: quò iam
minor

minori cymbalo iam infirmi conditionibus impari,
sonuerint ; cum Sacrae vnctionis oleum ad infirmos
defertur. Ideo, iniungimus & Synodi assensu, vt inpos-
sum vna semper eadēq; media cāpana sonet, quoties
Extrema vnctio ministrāda fuerit, volētes vt in alijs,
ī mora sonit⁹, & breuitate cōsuetudo sedis obseruetur.

*Decretum 10. vt quod superest elemosinarum
semel compensatis & recitatis matu-
tinis, ad horas distribuatur.*

EX assidua piarum animarum vltimæ voluntatis
dispositione, in legatis ad matutinas horas per-
soluēdas resultauit in aliquibus Ecclesijs ; vt nu-
merus matutinarum numerū dierum anni excedat:
ita vt in toto āni curriculo p̄solui nō possint. Quare
nē pię anime suodebito frustētur suffragio, ordinam⁹
hac n̄ra in Synodo vt in p̄dictis Ecclesijs, quod sup̄
est de dictis matutinis in alijs horis diurnis largiatur.

*Decretum 11. vt soluantur 4. denarij
Rectori seu Vicario publicanti
monitorium.*

Cum sua cōdigna merces laborāti de iure debea-
tur ; turpēq; videatur ferēti pōdus diei & æstus
vesperi denariū adimere: iccirco, ratione cogēte,
& Synodo in hoc cōueniēte assignamus 4. denarios
Rectori seu Vicario, pro laboribus, quos impubli-
candis litteris monitorialibus subire conting.

Decretum

*Decretum 12. de examinatoribus in Synodo
electis ad examen eorum qui se
vacantibus Ecclesijs
opposuerint.*

Decretis Sacti Tridentini obtemperantes examini
illorum, qui vacaturis Ecclesijs parrochialibus
sunt praeficiendi, sequentes doctores, cum Synodi
approbatione, quorum nomina haec sunt.

- D. Raphael Alberti, Canonicus.
- D. Ioannes Torrens.
- D. Ioannes Stelrich.
- D. Hieronymus Augustinus Merla.
- Fr. Antonius Reus ordinis Sancti Dominici.
- Fr. Michael Morey ordinis Sancti Francisci.

Ad causas Ecclesiasticas, & Spirituales, quae ad forū
Ecclesiasticū pertinet, in partib⁹ à Sede Apostolica,
vel eius nūtijs, seu legatis cōmittendas, sequētes in
hac Dioecesi Maio. iudices nominantur.

- D. Gregori⁹ Forteza I. V. D. Archidiacon⁹ & Cano.
- D. Hieronymus Forteza Decanus & Canonicus.
- D. Gulielmus Callar Canonicus.
- D. Hieronymus Garau Canonicus.

Deo Iesu Christo, æterni Dei, æterno filio, animarū
nārarum bis terue sponso suavissimo, honor, & gloria.

FINIS.

SECRETARIA DE CULTURA

1

SECRETARIA DE CULTURA

SECRETARIA DE CULTURA

SECRETARIA DE CULTURA



BIBLIOPOLY

L. 45